

清·方略館 編

清代 方略 全書

北京圖書館出版社



清代方略全書

一七二

清·方略館編

北京圖書館出版社

清·奕訢等撰

欽定平定陝甘新疆回匪方略

卷一〇——一六

清光緒二十二年（一八九六）鉛印本

欽定平定陝甘新疆回匪方略卷十

戊午年



八年正月十二日

己丑

札拉芬奏言伊犁爲新

疆總匯之區統轄南北各路遇有軍務凡防剿

調遣籌運經費在在均關緊要喀什噶爾逆回

滋事旬日之間勢甚猖獗

臣

立即督率委員豫

籌策應並函囑伊犁參贊大臣法福禮暫緩赴
任就近調度查伊犁兵勇素爲回夷所畏宜整

旅速行以先聲奪其氣以偏師挫其鋒而以烏魯木齊等處官兵繼其後可期制勝萬全該官兵等於閏五月初六等日起程迅速進剿大軍行抵巴爾楚克屢獲勝仗六月二十五日行抵葉爾羌所屬頭臺地方攻破賊巢城圍立解其烏魯木齊等處帶兵各大臣先後行抵葉爾羌各路援軍會齊大橋柳樹泉等處續獲勝仗計

是役回城收復者二漢城解圍者四伊犁兵勇
之力居多至伊犁兵餉前經奏明設立軍糧局
派員經理臣飭令該委員等力求撙節通計此
次軍需僅動用銀七千餘兩所節餉銀實屬不
少今回衆蕩平全境肅清該委員等自南路軍
興以來從事局中實心任事未敢沒其微勞謹
將尤爲出力員弁先行開列籲懇

恩施奏八

上諭內閣曰喀什噶爾逆回滋事伊犁設局督辦軍糧該員弁等盡心籌畫軍行得以迅速剋期蕆事尙屬著有微勞自應量予鼓勵協領圖們泰著交部議敘哈布齊賢著賞加副都統銜同知文英和英均著賞加知府銜候選通判覺羅景昌著賞加同知銜佐領穆克德柯札珠哩均著以協領卽補先換頂戴額外

員外郎錫拉善著交部議敘防禦吉爾噶春著遇有
應升之缺升用駝馬處章京圖拉那筆帖式烏爾滾
色均著賞給五品頂戴巡檢何釗著免補縣丞本班
仍歸甘肅以知縣儘先補用已革主事王式言著開
復原官仍照例於補官日交捐復銀兩已革通判羅
世瑤著賞加光祿寺署正銜原任告休公爵雙福委
參領武寬治儀正富爾松阿均著卽行釋回經制筆

帖式吉爾噶春額爾色勒恩均著賞加主事銜委筆
帖式景崧著無論年滿以經制筆帖式儘先補用委
筆帖式瑪克塔春著作爲年滿筆帖式照例升用卽
選從九品劉旣慶著免選本班以府經歷縣丞卽選
八年已滿吏趙含章著扣滿九年後免選本班以府
經歷縣丞不論雙單月卽選額書史載筆黃應選均
著作爲五年已滿吏先行掣給執照再留四年歸於

新疆九年班內不論雙單月卽選貼書李翰著作爲
五年已滿吏先行掣給執照再留四年歸於新疆九
年班內卽選商民羅英米義和張成緒張子顏均著
賞給九品頂戴

札拉芬泰又奏言此次回匪滋事自喀英二城
延至葉爾羌及巴爾楚克一帶頗形猖獗幸伊
犁兵勇迅速赴援疊次獲勝行抵喀城賊匪望

風瓦解各城以次肅清此項兵勇除由參贊大臣法福禮酌留喀城大營外現計撤回滿漢兩營兵丁共二百名其遣勇共一千三百餘名業經全數凱旋查照成案每名應加賞銀十兩現經臣酌給麪斤羊隻等項並面加獎勵該遣勇等頂感

皇仁莫不歡欣鼓舞所有加賞銀兩合詞稟稱斷不敢

聞

領察其情詞實係出於至誠自應俯如所請查該遣勇等踴躍從戎起程時每名只給銀三兩以成案計之節省不下數千兩此次應行加賞銀兩又復具稟懇辭頗堪嘉尙擬俟該遣勇等領票回籍時由臣另籌酌獎不動正款以節糜費奏入報

二十四日辛丑法福禮裕瑞奏言准喀什噶爾幫

辦領隊大臣總兵伊綿阿咨稱本年五月賊匪滋事喀什噶爾城垣被圍一百餘日當賊衆兵單之際該城大臣將遣犯趙五近等三十九名監犯張登汰等九名權爲開放協同官兵拆壩瀉水打仗守城偵探賊蹤均屬奮勉尙知大義可否將該犯等分別釋回減等以昭激勸而廣

皇仁奏入

上諭內閣曰上年五月閒賊匪滋擾喀什噶爾該犯等協同守城奮勉出力所有遣犯趙五近等三十九名均著准其釋回監犯張登汰等九名均著從寬減等法福禮又奏言前奉

諭旨飭查喀什噶爾英吉沙爾各城文武於此次回匪滋事有無畏葸逃避禦侮不力等情臣遵卽逐

一行查旋據喀什噶爾總兵伊綿阿覆稱本年五月賊匪滋擾回城總兵伊綿阿出隊打仗並與署領隊大臣巴哈善率領文武員弁滿漢兵丁分布城防其卡倫兵丁遇賊接仗陣亡七十五名嗣因賊衆兵單不能抵禦是以先後來城意在報信並幫同守城尙非有意退避又據英吉沙爾領隊大臣烏勒欣泰咨覆此次賊匪由

喀什噶爾回城起釁蔓延英城並未從本處所屬五卡倫竄入其守卡弁兵實因城防緊要飛調來城以資守禦委無畏賊逃避情事臣覆查無異所有該兩城文武各員及守卡弁兵均請免議奏入

上諭內閣曰前因喀什噶爾英吉沙爾回城先後失陷諭令法福禮查奏茲據奏稱該二城文武各員及弁

三才圖會卷之四
兵等查無畏蒞逃避及禦侮不力等情均著免其置
議其因如何起釁並各該管大臣有無失察貽誤之
處會同札拉芬泰一併具奏

法福禮又奏言前奉

諭旨卡內回衆紛紛從賊該管伯克等何以不能約束
輒行逃避著嚴叅懲辦等因 臣查喀什噶爾英吉沙
爾大小伯克此次聞警逃往漢城葉爾羌等處